

Риёзус солиҳийн шарҳи / Риёзус солиҳийн шарҳи / 472-ҳадис

472 - وَعَنْ أَنَسٍ رَضِيَ اللَّهُ عَنْهُ: أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ: «اللَّهُمَّ؛ لَا عَيْشَ إِلَّا عَيْشُ
الْآخِرَةِ» مُتَّفَقٌ عَلَيْهِ [خ 3795، م 1805].

472. Анас розияллоху анхудан ривоят қилинади:

Набий соллаллоху алайҳи васаллам:

«**Аллоҳим, ҳақиқий ҳаёт охират ҳаётидир**», дедилар.

Муттафақун алайҳ.

Шарҳ: Анас ибн Молик розияллоху анху айтади:

«Хандақ куни ансорлар шундай дейишарди:

«Муҳаммадга шундай деб бизлар байъат берганмиз:

«Бизлар жиҳод қилгаймиз, токи тирик эканмиз!»

У зот уларга:

«**Чин ҳаёт - бу охират ҳаётидир, Аллоҳим!**

Ансору муҳожирни икром қилгил, Илоҳим!»

деб жавоб берар эдилар». (Имом Бухорий ривояти).

Зеро, мўмин учун ҳақиқий ҳаёт охират ҳаётидир. Аллоҳ таоло «Анъом» сурасининг 32-оятда шундай деб марҳамат қилади:

«Дунё ҳаёти ўйин-кулгудан бошқа нарса эмас. Охират диёри тақво қиладиганлар учун яхшидир. Ақл юритмайсизларми?!».

Манба: hadis.islom.uz



HADIS.ISLOM.UZ
NUBUVVAT MARVARIDLARI